



ԵՐԵՎԱՆԻ ՔԱՂԱՔԱՊԵՏԱՐԱՆ

ՎԱՐՉԱԿԱՆ ԻՐԱՎԱԽԱՆՏՈՒՄՆԵՐԻ ՎԵՐԱԲԵՐՅԱԼ ԳՈՐԾԵՐԻ
ՔՆՆՈՒԹՅԱՆ ԲԱԺԻՆ

ՈՐՈՇՈՒՄ N° Վ- 9/30

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

« 02 » Տեպրեմբեր 2022թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Քանաքեռ-Զեյթուն վարչական շրջանի ղեկավարի աշխատակազմի աշխատակիցներ Դ. Վարդերեսյանի և Կ. Սարգսյանի կողմից 01.02.2022 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 158-րդ հոդվածի 13-րդ մասով նախատեսված վարչական իրավախախտում, մասնավորապես՝ «Տիրատության Եղբայրներ» ՍՊԸ-ի տնօրեն Արմեն Սմբատի Տիրատությանի կողմից Երևան քաղաքի Ազատության պողոտայի հ. 4 շենքի հ. 56 հասցեում գործող առևտրի օբյեկտում իրականացվում էր «Առևտրի և ծառայությունների մասին» օրենքի 9-րդ հոդվածի 2.1 մասով արգելված ապրանքի, մասնավորապես՝ մինչև 50 միկրոն հաստությամբ պոլիէթիլենային տոպրակի իրացում, որի վերաբերյալ 01.02.2022 թվականին կազմվել է վարչական իրավախախտման վերաբերյալ թիվ 002937 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 02.03.2022 թվականին գործի քննությանը ներկայացավ և մասնակցեց «Տիրատության Եղբայրներ» ՍՊԸ-ի տնօրեն Արմեն Սմբատի Տիրատությանի լիազոր ներկայացուցիչ Էդգար Տիրատությանը (անձնագիր AT 0524346, տրված 16.07.2020 թվականին, 012-ի կողմից): Վերջինս, բացի «Բացատրագիր» վերտառությամբ նյութում տրված բացատրություններից, հայտնեց նաև հետևյալը, որ իրեց մոտ օգտագործվել է մնացորդային տոպրակները: Թերությունները շտկվել են: Ներկայումս օգտագործում են օրենքին համապատասխանող տոպրակներ: Առաջին անգամ է իր վստահորդի նկատմամբ կազմվել արձանագրությունը:

«Տիրատության Եղբայրներ» ՍՊԸ-ի տնօրեն Արմեն Սմբատի Տիրատությանի լիազոր ներկայացուցիչ Էդգար Տիրատությանի կողմից գործի քննությունն իրականացնող պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, 01.02.2022 թվականի հ. 05 հանձնարարագիրը, ընկերության պետական գրանցման վերաբերյալ քաղվածքը, ՀՀ էկոնամիկայի նախարարության «Ստանդարտացման և չափագիտության ազգային մարմին» ՓԲԸ-ի տնօրենի ժամանակավոր պաշտոնակատարի 12.10.2020 թվականի հ. 07/142 տեղեկանքը, լիազորագիրը, Երևան քաղաքի Քանաքեռ-Զեյթուն վարչական շրջանի ղեկավարի աշխատակազմի աշխատակցի 01.02.2022 թվականի «Բացատրագիր» վերտառությամբ գրությունը, ինչպես նաև «Տիրատության Եղբայրներ» ՍՊԸ-ի տնօրեն Արմեն Սմբատի Տիրատությանի լիազոր ներկայացուցիչ Էդգար Տիրատությանի կողմից տրված բացատրությունները և հսկողության իրականացման ժամանակ կատարված լուսանկարները:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ 01.02.2022 թվականին «Տիրատության Եղբայրներ» ՍՊԸ-ի տնօրեն Արմեն Սմբատի Տիրատությանի կողմից Երևան քաղաքի Ազատության պողոտայի հ. 4 շենք հասցեում գործող առևտրի օբյեկտում իրականացվել է «Առևտրի և ծառայությունների մասին» օրենքի 9-րդ

հոդվածի 2.1 մասով արգելված ապրանքի, մասնավորապես՝ մինչև 50 միկրոն հաստությամբ պոլիէթիլենային տոպրակի/ների/ իրացում:

«Տիրատուրյան Եղբայրներ» ՍՊԸ-ի տնօրեն Արմեն Սմբատի Տիրատուրյանի կողմից թույլ է տրվել Օրենսգրքի 158-րդ հոդվածի 13-րդ մասով նախատեսված վարչական իրավախախտում:

Հաշվի առնելով «Տիրատուրյան Եղբայրներ» ՍՊԸ-ի տնօրեն Արմեն Սմբատի Տիրատուրյանի լիազոր ներկայացուցիչ Էդգար Տիրատուրյանի կողմից տրված բացատրությունները, իրավախախտման հետևանքների վերացման ուղղությամբ ձեռնարկված միջոցները և այն, որ «Տիրատուրյան Եղբայրներ» ՍՊԸ-ի տնօրեն Արմեն Սմբատի Տիրատուրյանի կողմից առաջին անգամ է թույլ տրվել Օրենսգրքի 158-րդ հոդվածի 13-րդ մասով նախատեսված վարչական իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել, ուստի առկա է վարչական իրավախախտման համար պատասխանատվությունը մեղմացնող հանգամանքը:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անգզույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 158-րդ հոդվածի 13-րդ մասի համաձայն՝ առևտրի, հանրային սննդի օբյեկտներում, սպառողական ապրանքների, գյուղատնտեսական արտադրանքի, կենդանիների շուկաներում, կրպակներում, ինչպես նաև շրջիկ առևտրի կետերում և շրջածախ առևտրի միջոցով «Առևտրի և ծառայությունների մասին» Հայաստանի Հանրապետության օրենքով արգելվող ապրանքներ վաճառելը (իրացնելը)՝ առաջացնում է տուգանքի նշանակում պաշտոնատար անձի նկատմամբ՝ սահմանված նվազագույն աշխատավարձի քսանապատիկից մինչև երեսնապատիկի չափով:

«Առևտրի և ծառայությունների մասին» օրենքի 9-րդ հոդվածի 2.1 մասի համաձայն՝ առևտրի օբյեկտներում, առևտրի իրականացման վայրերում, շրջիկ առևտրի կետերի միջոցով, շրջածախ առևտրի միջոցով, ինչպես նաև բացօթյա առևտրի իրականացման դեպքում մանրածախ առևտուր իրականացնելիս ԵԱՏՄ ԱՏԳ ԱԱ 3923 ապրանքային դիրքում գտնվող (բացառությամբ 3923 29 900 0 ծածկագրին դասվող)՝ թաղանթի մինչև 50 միկրոն հաստությամբ պոլիէթիլենային պարկերի և տոպրակների (բացառությամբ կշռափաթեթավորման համար օգտագործվող պարկերի և երկրորդային հումքից արտադրված պարկերի և տոպրակների) վաճառքը (իրացնելը) արգելվում է:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 33-րդ հոդվածով, 158-րդ հոդվածի 13-րդ մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. «Տիրատուրյան Եղբայրներ» սահմանափակ պատասխանատվությամբ ընկերության տնօրեն Արմեն Սմբատի Տիրատուրյանին Օրենսգրքի 158-րդ հոդվածի 13-րդ մասով ենթարկել վարչական պատասխանատվության նշանակելով վարչական տույժ 20.000 (քսան հազար) ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900035500082 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԲԱԺՆԻ ՊԵՏ՝

ԱՐԱՄ ԱԲՈՎՅԱՆ

